



**PREGLED MEĐUNARODNIH ORGANIZACIJA I INSTITUCIJA KOJE DAJU
PREPORUKE IZ OBLASTI BORBE PROTIV KORUPCIJE**

Istočno Sarajevo, septembar 2015. godine

U skladu sa Akcionim planom za provedbu Strategije za borbu protiv korupcije (2015.-2019.), uvažavajući Strateški cilj 1. (Uspostavljanje i jačanje institucionalnih kapaciteta i unaprijeđenje normativnog okvira za borbu protiv korupcije), imajući u vidu Strateški program 1.13. (Provođenje preporuka relevantnih međunarodnih institucija i organizacija za borbu protiv korupcije), a u cilju realizacije specifične mjere 1.13.1 (Identificirati relevantne međunarodne organizacije i institucije koje daju preporuke iz oblasti borbe protiv korupcije), sačinjen je pregled međunarodnih organizacija i institucija koje daju preporuke iz oblasti borbe protiv korupcije.

Vijeće ministara BiH je na 6. sjednici, održanoj 7. maja 2015. godine usvojilo **Strategiju za borbu protiv korupcije** za period 2015.-2019. godina (u daljem tekstu Strategija) i Akcioni plan za njenu provedbu (u daljem tekstu Akcioni plan).

Usvajanjem Strategije i Akcionog plana definisan je strateški okvir za borbu protiv korupcije u Bosni i Hercegovini za narednih pet godina. Glavna karakteristika usvojene Strategije jeste sveobuhvatni pristup problemu korupcije obzirom da se radi o dokumentima koji predviđaju jasne, konkretne i provodive ciljeve te je kao takva prihvatljiva za sve nivoe vlasti u BiH. Bitno je naglasiti da se pri izradi Strategije i Akcionog plana vodilo računa o specifičnostima državnog uređenja BiH (postojanje više nivoa vlasti) pazeći da ne dođe do negativnog preklapanja sa nadležnostima entiteta, BD BiH i kantona. To je, ujedno, glavni razlog zašto Strategija i Akcioni plan nisu sektorski orijentisani, obzirom na činjenicu da navedeni nivoi vlasti posjeduju nadležnosti u sektorskim oblastima. Bitno je istaći da Strategija predviđa mogućnost da navedeni nivoi vlasti razviju vlastite strategije za borbu protiv korupcije i akcioni plan u skladu sa općim principima koji su postavljeni državnim Strategijom za borbu protiv korupcije. Kako bi došlo do lakše realizacije Strategije usvojen je prateći Akcioni plan za provedbu Strategije za borbu protiv korupcije koji predviđa 226 konkretnih mjera za borbu protiv korupcije u BiH.

Zakon o Agenciji za prevenciju korupcije i koordinaciju borbe protiv korupcije („Sl. glasnik BiH“, broj 103/09 i 58/13) propisujući nadležnosti Agencije, između ostalog, u članu 10, stav 1, tačka l) predviđa obavezu Agencije da saraduje sa međunarodnim organizacijama, institucijama, inicijativama i organima.

Prvi strateški cilj iz Akcionog plana predviđa da se uspostave i ojačaju institucionalni kapaciteti te da se izvrši unaprijeđenje normativnog okvira za borbu protiv korupcije. Jedan od strateških programa putem kojeg bi se ostvario navedeni cilj, između ostalog, predviđa provođenje preporuka relevantnih međunarodnih institucija i organizacija za borbu protiv korupcije i glasi kako slijedi:

- **mjera 1.13.1-** Identificirati relevantne međunarodne organizacije i institucije, koje daju preporuke iz oblasti borbe protiv korupcije;
- **institucije nadležne za provođenje su:** Agencija za prevenciju korupcije i koordinaciju borbe protiv korupcije (APIK), tijela za sprječavanje korupcije na svim nivoima vlasti u BiH, ministarstva pravde u BiH, Pravosudna komisija BD BiH;

- **indikatori uspješnosti:** kreiran spisak relevantnih međunarodnih organizacija i institucija dostavljen nadležnim institucijama na svim nivoima vlasti u BiH.

Radi efikasne realizacije prethodno navedene mjere, u nastavku slijedi prikaz međunarodnih organizacija i institucija koje daju preporuke iz oblasti borbe protiv korupcije s ciljem usklađivanja nacionalnog zakonodavstva sa zakonodavstvom EU i primjene međunarodnih standarda.

Tabela br.1

Pregled međunarodnih institucija i organizacija koje daju preporuke iz oblasti borbe protiv korupcije

Broj	Organizacija	Puni naziv organizacije
1.	UNCAC	Konvencija UN protiv korupcije
2.	GRECO	Grupa država protiv korupcije Vijeća Evrope
3.	MONEYVAL	Komitet eksperata za evaluaciju mjera protiv pranja novca i finansiranja terorizma
4.	FATF	Finansijska akciona radna grupa protiv pranja novca
5.	OECD	Organizacija za ekonomsku saradnju i razvoj
6.	UNODC	Kancelarija UN za pitanja droge i kriminala
7.	OGP	Partnerstvo za otvorenu vlast
8.	ReSPA	Regionalna škola za javnu upravu
9.	RAI	Regionalna antikorupcijska inicijativa
10.	SIGMA	Podrška vladavini prava i upravljanja
11.	GFI	Globalni finansijski integritet

Tabela br. 2.

Pregled međunarodnih organizacija i institucija koje daju preporuke iz oblasti borbe protiv korupcije

Organizacija/ Institucija	Osnivanje i pravni status	Preporuke iz oblasti borbe protiv korupcije
<p>1. UNCAC United Nations Convention Against Corruption (Konvencija UN protiv korupcije) www.unodc.org</p>	<p>Konvencija usvojena od strane Generalne skupštine UN-a dana 31. 10.2003. godine</p>	<p>-UNCAC predstavlja prvi globalni i sveobuhvatni instrument za borbu protiv korupcije koji bi trebao da donese značajna poboljšanja u oblasti borbe protiv korupcije, povrata nelegalno stečene imovine te u oblasti međunarodne saradnje;</p> <p>-Cijelo jedno poglavlje Konvencije posvećeno je prevenciji korupcije, s mjerama namijenjenim za javni i privatni sektor. Mjere obuhvataju modele preventivnih politika, kao što je uspostava tijela za borbu protiv korupcije i povećana transparentnost u finansiranju izbornih kampanja i političkih stranaka;</p> <p>- Javne službe država članica podliježu zaštitnim mehanizmima koji promovišu efikasnost, transparentnost i zapošljavanje zasnovano na zaslugama. Neophodno je poštivati načela transparentnosti i odgovornosti u oblasti javnih finansija, te poduzeti konkretne mjere za sprječavanje korupcije u područjima javnog sektora naročito u oblasti pravosuđa i javnih nabavki;</p> <p>- Konvencija obavezuje države članice da jedna drugoj pružaju uzajamnu pomoć u prikupljanju i podnošenju dokaza koji će biti korišteni u sudskim postupcima i izručivanju počinitelja;</p> <p>-Konvencija obavezuje države članice da nacionalna zakonodavstva izmijene na način da u ista inkorporiraju krivična djela sa obilježjima korupcijskog djelovanja.</p>

Konvencija UN-a protiv korupcije (UNCAC), usvojena je 31. oktobra 2003. godine na Generalnoj skupštini UN-a, rezolucijom broj 58/4 i predstavlja globalni odgovor na korupciju. To je prvi globalni pravni instrument o korupciji koji sadrži mjere za prevenciju, kriminalizaciju i međunarodnu saradnju. Konvencija pojednostavljuje međunarodnu saradnju po pitanju kontrole i sankcionisanja korupcije. Konvencija je potpisana 9. decembra 2003. godine u Meridi (Meksiko) i od tada se ovaj dan obilježava kao Međunarodni dan borbe protiv korupcije. Ovaj najznačajniji međunarodno-pravni instrument za borbu protiv korupcije BiH je potpisala 16.09.2005.godine, a Predsjedništvo BiH donijelo je na 89. redovnoj sjednici odluku o ratifikaciji UNCAC-a dana 27.03.2006. godine.

<p>2. UNODC</p> <p>Kancelarija UN za pitanja droge i kriminala (United Nations Office on Drugs and Crime)</p> <p>www.unodc.org</p>		<ul style="list-style-type: none"> -Provodi istraživanja i vrši analize iz različitih oblasti; -Istraživanja identificiraju nekoliko prioriternih poslovnih sektora, kao što su građevinski te sektor transporta i skladištenja; -Istraživanja obuhvataju javne službenike, uključujući službenike u zdravstvu, policajce, carinike, sudije i tužioce, na koje treba obratiti veću pažnju s ciljem utvrđivanja njihove umiješanosti u aktivnosti podmićivanja; -U cilju postupanja u skladu s Konvencijom, formirana je Radna grupa UNODC-a za samoprocjenu ili međusobnu evaluaciju provedbe Konvencije Ujedinjenih naroda protiv korupcije (UNCAC). Izvještaji radne grupe su dostupni na web stranici: www.unodc.org/unodc/en/treaties/CAC/self-assessment.html.
<p>UNODC je kancelarija UN-a odgovorna za davanje preporuka iz oblasti sprječavanja kriminala, pitanje droge, krivičnog pravosuđa te reformu krivičnih zakona. Kancelarija ostvaruje saradnju sa zemljama članicama u domenu jačanja vladavine prava, promociji stabilnih i provodivih sistema krivičnog pravosuđa i borbi protiv prijetnje od transnacionalnog organizovanog kriminala i korupcije putem Globalnog programa protiv korupcije, Mreže informisanja o kriminalu i pravosuđu, kao i kroz nekoliko drugih programa.</p>		
<p>3. MONEYVAL</p> <p>Komitet eksperata za evaluaciju mjera protiv pranja novca i finansiranja terorizma (Select Committee of Experts on the Evaluation of Anti-Money Laundering Measures)</p> <p>www.coe.int/moneyval</p>	<p>Osnivanje: -1997. godine, međunarodna organizacija osnovana od Vijeća Evrope</p>	<p>MONEYVAL putem svojih izvještaja daje detaljne preporuke usmjerene na unaprijeđenje efikasnosti u radu institucija čiji je zadatak spriječavanje pranja novca, finansiranja terorizma te unaprijeđenje međunarodne saradnje u ovoj oblasti.</p> <p>Preporuke koje navedena organizacija izdaje odnose se na sljedeće oblasti:</p> <ul style="list-style-type: none"> -Provođenje obuka za tužioce i istražitelje iz oblasti sprječavanja pranja novca; -Unaprijeđenje vođenja finansijskih istraga; -Primjena privremenih mjera u ranim fazama istrage; -Izmijena koncepta stvarnog vlasništva; -Poboljšanje razmjene informacija među institucijama; -Provođenje sveobuhvatnih istraživanja i analiza o istragama koje se odnose na oblast pranja novca; -Unaprijeđenje državne saradnje između svih agencija uključenih u istrage pranja novca i finansiranja terorizma.
<p>MONEYVAL predstavlja mehanizam za evaluaciju i praćenje načina na koji se države članice odnose prema mjerama protiv pranja novca i mjerama protiv finansiranja terorizma. Komitet procjenjuje učinak zemalja članica prema međunarodnim standardima - uključujući standarde Konvencije Vijeća Evrope o pranju novca, traženju, oduzimanju i konfiskaciji prihoda stečenih kriminalom, kao i o finansiranju terorizma i izdaje preporuke usmjerene ka jačanju postojećih regulatornih i zakonskih okvira u pojedinačnim državama, i kako ih učiniti što efikasnijima.</p>		

<p>4. FATF Organizacija za kontrolu i sprečavanje pranja novca (Financial Action Task Force on Money Laundering) www.fatf-gafi.org</p>	<p>Osnivanje: nezavisno međuvladino tijelo osnovano 1989. godine na samitu G-7 u Parizu (G-7 je savjetodavni forum sedam najznačajnijih industrijskih zemalja svijeta kojeg čine predsjednici vlada SAD, Kanade, Japana, Njemačke, Italije, Francuske, Ujedinjenog Kraljevstva i Rusije)</p>	<p>Daje preporuke iz oblasti: -Sankcionisanja davanja i prikupljanja sredstava koje teroristi ili terorističke organizacije koriste; -Istražuje prisutnost kriminala koje vrše javni službenici, uz posvećivanje posebne pažnje na pitanja podmićivanja i prevare; -Organizacije moraju biti proaktivnije u ohrabrirvanju i promociji antikorupcijskih mjera te po pitanju unaprijeđenja etike i integriteta.</p>
--	--	---

Ispitivanje tehnika i trendova u vezi sa pranjem novca, izvještavanje o preduzetim aktivnostima na nacionalnom ili međunarodnom nivou, kao i osmišljavanje mjera i preporuka koje treba dalje poduzimati u borbi protiv pranja novca. Od 2001. godine, FATF je zadužena za razvoj međunarodnih standarda za borbu protiv finansiranja terorizma. S tim ciljem je izdala 40 preporuka i 9 specijalnih preporuka koje proizlaze iz relevantnih konvencija kojih se naša država, obzirom da je članica Vijeća Evrope i MONEYVAL komiteta, dužna pridržavati. Osim toga, FATF objavljuje „crnu listu” zemalja koje ne saraduju dovoljno u borbi protiv pranja novca. Zadatak FATF-a je da postavlja standarde i prati napredak zemalja u borbi protiv pranja novca i finansiranja terorističkih aktivnosti. Na „crnoj listi“ FATF-a su zemlje koje nemaju razrađene standarde u borbi protiv pranja novca i finansiranja terorizma, koje nisu kooperativne te ne saraduju s MONEYVAL-om i FATF-om te ukoliko za njih postoji opravdana sumnja i opasnost da postoji nesmetano finansiranje terorizma. Na „sivoj listi“ FATF-a su zemlje koje nemaju u dovoljnoj mjeri razvijenu legislativu i pravne mehanizme iz navedene oblasti, ali suraduju i prihvataju preporuke MONEYVALA i FATF-a.

<p>5. OECD Organizacija za ekonomsku saradnju i razvoj (engl. Organisation for Economic Cooperation and Development ili OECD, franc. Organisation de coopération et de développement économiques ili OCDE) www.oecd.org</p>	<p>Osnivanje: 14. 12. 1960. godine Međunarodna ekonomska organizacija</p>	<p>OECD je organizovao sljedeće tematske studije: -Prevenција korupcije; -Kriminalizacija korupcije (legislativa); -Odgovornost pravnih lica u krivičnim koruptivnim djelima; -Integritet u poslovnom okruženju u Jugoistočnoj Evropi; -Integritet u poslovnom okruženju u Jugoistočnoj Evropi i Centralnoj Aziji; -Evaluacija implementacije ACN Programa rada za period 2013 -2015 godina od strane nacionalnih koordinatora; -Mito za strana službena lica i provođenje zakona.</p>
---	--	--

OECD grupu čini 30 zemalja, a održava odnose sa oko 70 zemalja, kao i sa organizacijama civilnog društva. Bavi se pitanjem nuđenja mita kroz Konvenciju o borbi protiv podmićivanja kao i putem preporuka protiv poreskih olakšica na mito, vrši istraživanja i analize, objavljuje mnogobrojne publikacije, te igra značajnu ulogu u promovisanju dobre uprave u javnom sektoru. Konvencija OECD-a o borbi protiv podmićivanja stranih javnih službenika u međunarodnim poslovnim transakcijama potpisana je 17. decembra 1997. godine i stupila je na snagu 5. februara 1999. godine te predstavlja pravni okvir za inkriminaciju korupcije u međunarodnim poslovnim transakcijama.

<p>6. GRECO Grupa država protiv korupcije (The Group of States Against Corruption) www.coe.int/greco</p>	<p>Osnivanje: -01.05.1991. godine od strane Vijeća Evrope</p>	<p>-GRECO prati implementaciju mjera predviđenih Krivičnom pravnom konvencijom o korupciji. -Konvencija sadrži odredbe u vezi sa pomaganjem i poticanjem, imunitetom, kriterijima za određivanje nadležnosti država, odgovornosti pravnih lica, uspostavljanjem specijaliziranih tijela za borbu protiv korupcije, zaštitom osoba koje saraduju sa istražnim ili tužiteljskim organima, prikupljanjem dokaza i konfiskacijom dobiti; -Konvencija propisuje povećanu međunarodnu saradnju (uzajamnu pomoć, izručenje i pružanje informacija) tokom istrage i krivičnog gonjenja krivičnih djela korupcije. Države koje ratifikuju Konvenciju, a nisu članice GRECO-a, samim činom ratifikacije, ex lege, postaju članice navedene organizacije.</p>
<p>Krivičnopravna konvencija o korupciji predstavlja instrument čiji je cilj koordinirana inkriminacija velikog broja korupcijskih djela. Konvencijom se propisuju dodatne krivičnopravne mjere i poboljšava međunarodna saradnja u procesuiranju krivičnih djela korupcije. Stupila je na snagu 1. jula 2002. godine, a njenu primjenu prati GRECO. Cilj Grupe je da unaprijedi kapacitete zemalja članica u borbi protiv korupcije kroz praćenje njihove usklađenosti sa antikorupcijskim standardima Vijeća Evrope putem dinamičnog procesa međusobne evaluacije. Na ovaj način se identifikuju nedostaci u antikorupcijskim politikama zemalja članica te se podstiču zakonodavne i institucionalne reforme. GRECO obezbjeđuje platformu za razmjenu primjera dobrih praksi u prevenciji korupcije i otkrivanju korupcije. Članstvo u Grupi nije ograničeno isključivo na zemlje članice Vijeća Evrope.</p>		
<p>7. OGP Partnerstvo za otvorenu vlast (Open Government Partnership) www.opengovpartnership.org www.ogp.ba</p>	<p>Osnivanje: -20. 09. 2011.godine, na Općoj skupštini UN-a</p>	<p>Obaveze koje preuzimaju države članice strukturirane su oko pet velikih izazova s kojima se suočavaju tijela javne vlasti u svakoj zemlji: -Poboljšanje pružanja javnih usluga: unaprijeđenje širokog spektra usluga koje se pružaju građanima uključujući zdravstvenu zaštitu, obrazovanje, socijalnu zaštitu, vodoopskrbu, isporuku električne energije, telekomunikacije, ali i druge javne usluge, kroz osnaživanje rada javne uprave te inovacije u privatnom sektoru; -Povećanje integriteta javnih službi: suzbijanje korupcije u obavljanju javnih poslova, sloboda pristupa informacijama, pitanje finansiranja političkih partija i izbornog procesa, sloboda rada medija i civilnog društva; -Djelotvornije upravljanje javnim resursima: budžeti, javne nabavke, prirodni resursi i inostrana pomoć; -Stvaranje sigurnijih zajednica: službe javnog reda i sigurnosti, djelotvoran odgovor na krize, katastrofe, ekološke nepogode; -Jačanje odgovornosti poduzeća: odgovornost poduzeća za pitanja kao što su okoliš, suzbijanje korupcije, zaštita potrošača te uključivanje u rješavanje problema u lokalnoj zajednici. Države koje žele uzeti učešće u Inicijativi moraju</p>

		<p>pokazati posvećenost načelima otvorene vlasti i to prihvaćanjem minimalnih standarda u četiri ključna područja koja se mjere objektivnim pokazateljima i koja vrednuju nezavisni eksperti:</p> <ul style="list-style-type: none"> -Fiskalna transparentnost koja podrazumijeva pravovremeno objavljivanje budžetskih dokumenata čini sastavni dio fiskalne odgovornosti te otvorenog i transparentnog budžetskog sistema; -Pristup informacijama što podrazumijava usvojen Zakon o slobodi pristupa informacijama, koji garantuje pravo javnosti na informacije i pristup podacima organa javne vlasti, što je jedan od osnovnih preduslova za napredak prema otvorenom i transparentnom radu vlasti; -Javnost imovinskih kartica dužnosnika odnosno rukovodećih službenika: prihvaćeni propisi koji iziskuju javno objavljivanje i uvid u prihode i imovinu dužnosnika odnosno rukovodećih službenika ključni su za suzbijanje korupcije te otvoreno i odgovorno upravljanje; -Uključivanje građanstva: otvorena vlast podrazumijeva spremnost na uključivanje građana i civilnog društva u procese donošenja i provedbe javnih politika te zaštitu građanskih sloboda.
<p>Partnerstvo za otvorenu vlast je multilateralna inicijativa čiji je cilj osigurati konkretan napredak na području transparentnosti i otvorenosti rada tijela javne vlasti, uključivanja i osnaživanja građana i civilnog društva, borbe protiv korupcije te korištenja novih tehnologija za poboljšanje kvalitete usluga koje javna uprava pruža građanima. Inicijativu vodi Upravni odbor čiji članovi i članice predstavljaju vlade i organizacije civilnog društva. Kako bi neka država postala članica Inicijative mora prihvatiti Deklaraciju o otvorenoj vlasti, donijeti nacionalni akcioni plan (uz javne konsultacije) te se obavezati na nezavisno izvještavanje o napretku u provedbi mjera iz Akcionog plana.</p>		
<p>8. ReSPA Regionalna škola za javnu upravu (Regional School for Public Administration) www.respaweb.eu</p>	<p>Osnivanje: -02. juni 2006. godine potpisivanjem „Protokola o saradnji na stvaranju Regionalne škole za javnu upravu“ -Ugovor o osnivanju potpisan u Podgorici, 21. novembra 2008. godine; -01. oktobra 2011. godine počela sa radom kao samostalna međunarodna organizacija</p>	<p>ReSPA je organizacija zadužena za provođenje projekata i programa iz oblasti sukoba interesa, imovinskih izjava zvaničnika te zloupotrebu IT tehnologija za korupciju i koruptivno djelovanje. Preporuke koje navedena organizacija izdaje odnose se na sljedeće oblasti:</p> <ul style="list-style-type: none"> -Izrada strategije za reformu javne uprave te osmišljavanje odgovarajućih načina za provedbu strategije; -Izrada odgovarajuće metodologije za provedbu reforme javne uprave; -Modernizacija rada organa javne uprave, uzimajući u obzir svjetska zbivanja, razvoj društva, finansijsku krizu, globalizaciju i digitalizaciju; -ReSPA je provela regionalnu komparativnu studiju pod nazivom „Metodologija za izradu strategije reforme javne uprave na Zapadnom Balkanu“ gdje daje preporuke za svaku zemlju članicu posebno.

ReSPA je međunarodna organizacija osnovana s ciljem jačanja regionalne saradnje u oblasti javne uprave u zemljama Zapadnog Balkana. Osnovana je kako bi se stvorio odgovoran, efikasan i stručan sistem javne uprave na Zapadnom Balkanu. Navedene aktivnosti ReSPA ostvaruje kroz organizaciju različitih vrsta obuka, konferencija, izdavanje publikacija i sl. Članice ReSPE su: Albanija, Bosna i Hercegovina, Hrvatska, Makedonija, Crna Gora i Srbija. Cilj navedene organizacije je povećanje stepena saradnje u oblasti javne uprave među zemljama članicama, međusobna razmjena iskustava i sl. ReSPA provodi obuke na temu etike i integriteta, te različite projekte i programe koji se odnose na komparativne studije posvećene sukobu interesa, imovinskim izjavama i zloupotrebi IT tehnologija za korupciju.

<p>9. RAI Regionalna antikorupcijska inicijativa (Regional Anti-Corruption Initiative) www.anticorruption-bosnia-and-herzegovina.org</p>	<p>Osnivanje: - februar 2000. godine u Sarajevu, pod okriljem Pakta stabilnosti za jugoistočnu Evropu, danas Vijeća za regionalnu saradnju u jugoistočnoj Evropi, -Regionalno vlasništvo i upravljanje inicijativom zemlje članice preuzele 2007. godine potpisivanjem Memoranduma o razumijevanju u Zagrebu - međuvladino tijelo za borbu protiv korupcije</p>	<p>Preporuke se odnose na poboljšanje saradnje u sljedećim oblastima: -Reforma pravosuđa i javne uprave; -Negativna percepcija korupcije; -Ulaganje intenzivnijih napora u oblasti obrazovanja i podizanja javne svijesti; -Poboljšanje položaja kadrova u tijelima za borbu protiv korupcije; -Podcijenjena uloga prevencije, a represija kao jedino valjano rješenje, -Usklađivanje nacionalnih pravnih okvira sa evropskim standardima, međunarodnim konvencijama, donošenje nacionalnih strategija i akcionih planova za borbu protiv korupcije, uspostavljanje specijalizovanih tijela za borbu protiv korupcije.</p>
---	---	--

Regionalna saradnja na području suzbijanja korupcije je započela u okviru Pakta o stabilnosti, usvajanjem Antikorupcijske inicijative Pakta o stabilnosti (SPAI), potpisanim u Sarajevu, u februaru 2000. godine. Ovaj Memorandum o saglasnosti je potpisalo devet zemalja i to: Albanija, Bosna i Hercegovina, Bugarska, Crna Gora, Hrvatska, Makedonija, Moldavija, Rumunija i Srbija.

U oktobru 2007. godine, na 11. sastanku Upravljačkog odbora u Podgorici, SPAI mijenja naziv u Regionalna antikorupcijska inicijativa - RAI. Opći ciljevi RAI-a su: izvršenje i implementacija odluka i strategija RAI-a, osiguravanje zadovoljenja individualnih potreba zemalja članica putem regionalnih programa, pomaganje članicama RAI-a u usvajanju i primjenjivanju međunarodnih standarda suzbijanja korupcije, poticanje regionalne suradnje u suzbijanju korupcije, te sudjelovanje u raznim drugim antikorupcijskim inicijativama. RAI od svog osnivanja državama članicama omogućava usklađivanje napora i koordinisanu borbu protiv korupcije u regionu. U kontinuitetu se razmjenjuju najbolje prakse u borbi protiv korupcije u zemljama Jugoistočne Evrope, razvijaju se i implementiraju regionalni i nacionalni antikorupcijski programi za podizanje nivoa javne svijesti o korupciji. RAI, kao jedna od inicijativa pri RCC, daje veliki doprinos u suzbijanju korupcije i zasad je jedina inicijativa koja se bavi isključivo antikorupcijskim djelovanjem na regionalnom nivou.

<p>10. SIGMA Podrška poboljšanju vladavine prava i upravljanja (Support for Improvement in Governance and Management) www.sigmaweb.org</p>	<p>-Zajednička inicijativa EU i OECD pokrenuta 1992. godine u okviru PHARE programa, sa ciljem pružanja podrške reformi javne uprave u pet Centralnoevropskih zemalja.</p>	<p>Preporuke: -Jačanje administrativne strukture s ciljem približavanja zemalja potencijalnih članica EU tokovima evropskih integracija; -Reforma javne uprave; -Usklađivanje ustava zemalja sa Europskom konvencijom o ljudskim pravima; -Obezbeđivanje nezavisnog, odgovornog, nepristrasnog i</p>
---	--	--

		<p>efikasnog pravosuđa u zemljama budućim članicama EU;</p> <p>- Države moraju osigurati učinkovito, profesionalno i nepristrasno djelovanje javne uprave, a rad državne službe treba da se zasniva na sljedećim principima:</p> <ol style="list-style-type: none"> 1. djelovanje u javnom interesu (kroz odvajanje javne i privatne sfere, jačanje etike i integriteta); 2. depolitizacija (jasno razgraničenje političkih i službeničkih položaja); 3. profesionalizacija uprave; 4. izgradnja kvalitetnog službeničkog sistema (odgovarajuća regulacija prava i obveza službenika te zaštita njihovih prava); 5. odgovornost državnih službenika (individualna odgovornost za odluke i postupke); 6. uređen i efikasan sistem upravljanja ljudskim potencijalima .
<p>Predstavlja zajedničku inicijativu EU i OECD koja igra značajnu ulogu u procesima reforme javne uprave u zemljama Jugoistočne Evrope. SIGMA je odjel OECD Direktorata za Javnu upravu i teritorijani razvoj, te razvija i koristi njegovu ekspertizu kao i mrežu eksperata za menadžment u javnom sektoru kao i mreže donosilaca odluka u zemljama članicama OECD-a. Kroz tehničku i savjetodavnu pomoć, SIGMA je uključena i u proces reforme javne uprave u Bosni i Hercegovini. Bitna komponenta pomoći SIGMA-e ogleda se i u velikom broju pripremljenih analiza, istraživanja, publikacija i drugih dokumenata koji se bave određenim problemima i pitanjima unutar uprave.</p>		
<p>11. GFI Globalni finansijski integritet (Global Financial Integrity) www.gfintegrity.org</p>	<p>Osnivanje: -neprofitna organizacija osnovana 2006. godine, sjedište u Washingtonu</p>	<p>Preporuke:</p> <ul style="list-style-type: none"> -Zalaganje za usvajanje novih zakonskih rješenja kao i izmjena postojećih zakona s ciljem sprečavanja pranja novca uz posvećivanje posebne pažnje zemljama koje prolaze kroz proces tranzicije; -Borba protiv zloupotrebe tzv. „anonimnih firmi“ obzirom da se iste osnivaju kako bi se omogućio proces pranja novca. Organizacija preporučuje da svaka zemlja ima uspostavljene javne registre o kompanijama koji bi trebali sadržavati relevantne informacije o kompanijama i njihovim vlasnicima; -Neophodno je da se kompanijama nametne obaveza podnošenja izvještaja o ostvarenoj dobiti kao i o plaćenim porezima u zemljama gdje imaju registrovanu djelatnost. Pored toga, važno je izgraditi sistem automatske razmjene informacija među državama, posebno informacija koje se odnose na izmirenje poreskih obaveza.
<p>GFI je program Centra za međunarodnu politiku iz SAD-a koji ima status neprofitne organizacije. Bavi se proučavanjem i sprečavanjem nelegalnih finansijskih tokova u globalnom kontekstu. Promoviše mjere za borbu protiv korupcije, te se u navedenoj oblasti smatra za jednu od najuglednijih organizacija. Rad institucije se zasniva na razvoju efikasnih politika usmjerenih na sprečavanje nelegalnih tokova pranja novca. Posebnu pažnju posvećuje zemljama u razvoju, tačnije ulaže napore usmjerene ka izmjeni postojećih zakonskih okvira kako bi se spriječilo da različita koruptivna djelovanja doprinesu ilegalnom odlivu novca iz zemalja.</p>		

Tabela br.3

Lista korištenih pojmova i skraćenica te njihovo značenje

APIK	Agencija za prevenciju korupcije i koordinaciju borbe protiv korupcije	Agency for the Prevention of Corruption and Coordination of the Fight against Corruption
UNCAC	Konvencija UN protiv korupcije	United Nations Convention Against Corruption
GRECO	Grupa država protiv korupcije	The Group of States Against Corruption
LIS procjena	Procjena lokalnog integriteta u jedinicama lokalne samouprave	-
MONEYVAL	Komitet eksperata za evaluaciju mjera protiv pranja novca i finansiranja terorizma	Select Committee of Experts on the Evaluation of Anti-Money Laundering Measures
FATF	Finansijska akciona radna grupa protiv pranja novca	Financial Action Task Force on Money Laundering
OECD	Organizacija za ekonomsku suradnju i razvoj	engl. Organisation for Economic Cooperation and Development ili OECD; franc. Organisation de Cooperation et de développement économiques ili OCDE
ACN	Antikorupcijska mreža za Istočnu Evropu i Centralnu Aziju	Anti-corruption Network for Eastern Europe and Central Asia
ADB	Azijsko-pacifička antikorupcijska inicijativa	-
SIGMA	Podrška za poboljšanje upravljanja i rukovođenja	Support for Improvement in Governance and Management
UNODC	Kancelarija UN za pitanja droge i kriminala	United Nations Office on Drugs and Crime

OGP	Partnerstvo za otvorenu vlast	Open Government Partnership
ReSPA	Regionalna škola za javnu upravu	Regional School for Public Administration
RAI	Regionalna antikorupcijska inicijativa	Regional Anti-Corruption Initiative
RCC	Vijeće za regionalnu saradnju	Regional Cooperation Council
GFI	Globalni finansijski integritet	Global Financial Integrity

Predmetni pregled podliježe izmjenama i dopunama u skladu sa novim informacijama.